

30 Որ գան լերանց ծաղկունք մէջ վերան զարնեն,
Ուրախանան ընդ մեզ ի տեսնն վարդին:

Ըգտիւ եւ ըզգիշերն եմ ես անդադար,
Զիմ սէրս ծանուցանեմ նորա հաւասար.
Որ գայ վարդըն սիրով առնէ ինձ զրար,
35 Թէ չէ գընամ լինիմ ի յիրմէն բեգար:

Թռչունք հաւասար ինձ երանի տան,
Թէ վարդն է գեղեցիկ եւ յոյժ պատուական.
Որ սիրով զարգարէ զծաղկունքն ամենայն,
Զչաղն ի նմանէ առնուն եւ պայծառանան:

40 Ժողովեցան ծաղկունքն եւ սիրով եկին,
Տեսին զչահ բլբուլն ի մէջ տերեւին.
Ամէնքըն խոնարհեալ երկիր պագեցին,
Եւ զվարդն ընդ բլբուլին ձայնիւ գովեցին:

Իսկ բլբուլն ընդ զումրին քաղցր եղանակէր,
45 Տեսեալ զվարդն ուրախ եւ սիրան ծափէր.
Գունովըն գեղեցիկ հոտովն անուշ էր,
Որ զամենայն ծաղկունք ինքն զարգարէր:

Լսեմ ես զքոյ ձայնդ յերեկոյնս,
Չառնեմ դուր եւ դադար ի մէջ գիշերին,
50 Ի քոյ բազում սիրոյն ես կու թառամիմ,
Զչաղն ես չառնում նա ես թօթափիմ:

Խաղաղ ամպն ի վերուստ քաղցր ցօղէ քեզ,
Եւ միշտ կանանչ պահէ անարատ ըզքեզ.
Դու գեղեցիկ լուսով հէնց աննրման ես,
55 Որ յամէն առաւաւտու քան զարեւ ծագես:

Յաղիկ անթառամ ծնեալ ծովային,
Վառեալ ի գիշերի եւ բողբոջածին.